



## НАВОЙ ВИЛОЯТ ҲОКИМЛИГИ

### ВИЛОЯТ КАСАБА УЮШМАЛАРИ ТАШКИЛОТЛАРИ БИРЛАШМАСИ КЕНГАШИ РАЁСАТИ

### ЎЗБЕКИСТОН САВДО-САНОАТ ПАЛАТАСИ НАВОЙ ВИЛОЯТ ХУДУДИЙ БОШҚАРМАСИ

#### ҚЎШМА ҚАРОР

**Навоий вилоят ҳокимлиги, вилоят касаба уюшмалари ташкилотлари  
бирлашмаси Кенгаши, Ўзбекистон Савдо-саноат палатаси Навоий  
вилоят худудий бошқармаси ўртасида ижтимоий-иктисодий  
масалаларга оид 2017-2019-йиллар учун Худудий келишувнинг  
2017 йилдаги ижроси тўғрисида**

Навоий вилоят ҳокимлиги, вилоят касаба уюшмалари ташкилотлари бирлашмаси Кенгаши, Ўзбекистон Савдо-саноат палатаси Навоий вилоят худудий бошқармаси ўртасида ижтимоий-иктисодий масалаларга оид 2017 - 2019 йиллар учун Худудий (Минтақавий) келишувнинг 2017 йил давомида ижросини таъминлаш борасида вилоят ҳокимлиги, давлат органлари, касаба уюшмалари ва иш берувчилар томонидан бир қатор ишлар олиб борилди. 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясидан келиб чиқиб, Давлат бошқарув тизимини ислоҳ қилиш борасида олдимизга қўйилган вазифалар белгилаб олинди.

Мамлакатимизнинг йирик саноат ҳудуди ҳисобланган Навоий вилоятда кончилик, металлургия, кимё, энергетика, қурилиш материаллари, пахта тозалаш, озиқ-овқат саноати изчил ривожланмоқда.

Ўзбекистон Республикаси Президенти ташаббуси билан ишлаб чиқилиб, амалга татбиқ этилаётган “2017-2021-йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси”га асосланган Худудий келишувнинг барча бўлим ва тадбирларини бажариш бўйича 2017 йилда ижтимоий шериклар, яъни давлат идоралари, касаба уюшмалари ва иш берувчилар томонидан тизимли ишлар амалга оширилди. Хусусан, иқтисодиётни, миллий ишлаб чиқаришни ва тадбиркорликни ривожлантириш мақсадида миллий иқтисодиётнинг

рақобатбардошлигини ошириш, инвестициявий мұхитни янада яхшилаш, әркін рақобат мұхитини шакллантириш борасыда кенг күламли ишлар олиб борилмоқда. Натижада ҳисобот йилида вилоятнинг ижтимоий-иктисодий ривожланиш суръатлари мувозанатини сақлаб қолишига эришилди. Вилоят ялпи ички маҳсулоти (ЯИМ) ҳажми 2017 йилда 11 688 млрд. сүмни ташкил этди ва 2016 йилга нисбатан 102 фоизга ўсиши таъминланган. ЯИМ да хизматлар улуши 26,7%, кичик бизнес улуши 41,9%ни ташкил этган.

Вазирлар Маҳкамасининг 2017 йил 9 июндаги “2017-2018 йилларда Навоий вилоятида саноат, қишлоқ хўжалиги ва хизмат кўрсатиш соҳаларни ривожлантириш чора-тадбирлар дастури тўғрисида”ги 366-сонли қарори билан, вилоятни 2017-2018 йилларда ижтимоий-иктисодий ривожлантириш Дастури тасдиқланди.

Шундан, 2017 йилда умумий қиймати 635,0 млрд.сүмлик 1871 та лойиҳалар фойдаланишга топширилиб, 9 161 та янги иш ўринлари ташкил этилди.

Жумладан:

саноат соҳасида 480 та лойиҳа асосида 4 665 та;

хизмат кўрсатиш соҳасида 852 та лойиҳа асосида 2 947 та;

қишлоқ хўжалигида 539 та лойиҳалар ҳисобига 1 549 та.

Кичик бизнес ва хусусий тадбиркорлик фаолиятини ривожлантириш учун яратилган шароитлар натижаси ўлароқ 2017 йилда дехқон ва фермер хўжаликларидан ташқари 13 мингта янги кичик корхона ва микрофирмалар очилди, бу ўтган йилга нисбатан 124 фоиз ўсишга эришилганидан далолат беради.

Давлатимиз раҳбари томонидан айнан вилоятимизни ижтимоий-иктисодий ривожлантирилишини ҳисобга олган ҳолда жуда муҳим бўлган қарорлари қабул қилинди.

Шулардан, Ўзбекистон Республикаси Президентининг 2017 йил 25 апрелдаги “Навоий вилоятининг олис чўл туманлари аҳолиси турмуш даражасини янада оширишга доир қўшимча чора-тадбирлар тўғрисида”ги ПҚ-2925-сонли, 2017 йил 29 сентябрдаги “Навоий вилоятининг Томди, Учқудук, Конимех, Нурота туманлари ҳамда Зарафшон шаҳрини комплекс ривожлантириш ва аҳоли бандлигини таъминлашга доир қўшимча чора-тадбирлар тўғрисида”ги ПҚ-3301-сонли қарорлари қабул қилинганлиги **вилоятимизнинг** олис чўл ҳудудларида ўз ечимини кутиб турган ижтимоий-иктисодий масалаларни ҳал этилишида муҳим аҳамият касб этди.

Ушбу қарор ижросини таъминлаш бўйича Комиссиянинг хulosаси асосида Томди, Конимех, Учқудук туманларининг олис чўл ҳудудларида жойлашган бюджет ташкилотларида ишлаётган 96 нафар олий маълумотли мутахассисларга қарорда назарда тутилган имтиёзлар учун вилоят маҳаллий

бюджет маблағлари ҳисобидан қарийб 700,0 млн.сўм молиялаштириб берилди. Шу ҳудудларга кўчиб борган 9 та оиласа бепул уй-жойлар берилди. Чўл ҳудудларда истиқомат қилган 165 нафар абитуриентлар имтиёз билан Навоий, Самарқанд ва Бухоро вилоятидаги олийгоҳларга қўшимча грант асосида ўқишига жойлаштирилди.

“Халқ давлат идораларига эмас, балки давлат идоралари халқимизга хизмат қилиши керак” тамоили асосида вилоятда нақд пулсиз ҳисобкитобларни янада ривожлантириш борасида тизимли ишлар олиб борилган бўлиб, вилоятда муомалага киритилган пластик карточкалар сони жами 450580 тани, тўлов терминаллари 8704 тани, инфокиоска ва банкоматлар сони 136 тани ташкил этди.

Ўзбекистон Республикаси Президентининг “Банк хизматлари оммабоплигини ошириш бўйича қўшимча чора-тадбирлар тўғрисида” 2018 йил 23 мартағи ПҚ-3620-сонли қарори талабларидан келиб чиқиб, 2018 йил давомида вилоятда 19 та хорижий валютада ишловчи банкомат (жумладан 14 та узлуксиз (24 соат) ишлайдиган валюта айирбошлиш шохобчалари) очилиши ўрнатилиши режалаштирилган бўлиб, амалда бугунги кунда Зарафшон шаҳрида “Зарафшон грант” меҳмонхонасига битта хорижий валютада ишловчи банкомат ўрнатилиши таъминланди (Асака банк).

Бундан ташқари тиҷорат банклари ҳамда уларнинг валюта айирбошлиш шаҳобчаларида 53 та халқаро тўлов терминаллари ўрнатилган бўлиб, яна қўшимча равишда туристлар борадиган жойларга 36 та тўлов терминаллари ўрнатилиши режалаштирилди.

Мехнат шароитлари бўйича иш ўринларининг шаҳодатдан ўтказилиши натижасида "Навоийазот" АЖ, Навоий Кон металлургия комбинати давлат корхонаси, вилоят Соғлиқни сақлаш бошқармаси ва унинг қуи тизим ташкилотларида, "Навоийдонмаҳсулотлари" АЖ ҳамда "Вангози АгроЭксперт" каби ишлаб чиқариш корхоналарида ишловчи ишчи ходимларга кулай ва хавфсиз меҳнат шароитларини яратиб бериш шунингдек, уларга нокулай ва заарли меҳнат шароитларида ишлаганликлари учун берилиш керак бўлган имтиёз ва компенсациялар берилиши таъминланишига эришилди.

2017 йил мобайнида касаба уюшмалари органлари ва меҳнат **инспекциялари** томонидан ходимларнинг ойлик иш ҳақи ўз вақтида тўланишини таъминлаш бўйича тегишли чоралар қабул қилинди. Иш берувчилар томонидан меҳнат ҳақининг энг кам миқдори стандартларига риоя этилиши устидан давлат ва жамоат назорати ўрнатилди, яъни, бу миқдорнинг меҳнатга ҳақ тўлаш бўйича Ягона тариф сеткасининг 1 разряди ставкасидан кам бўлмаслиги бўйича назорат олиб борилди. Хусусан, касаба

уюшмалари томонидан қарийб 546 та ташкилотнинг иш фаолияти ўрганилиши натижасида, ўтказилган назорат тадбирлари натижасида жами 102 та қонун бузилиш ҳолатлари аниқланиб, 30 нафар мансабдор шахсларга нисбатан соҳа мутасаддилари томонидан маъмурий жарималар қўлланилган. Шунингдек, аксарият хўжалик субъектларида жамоа-шартномавий хужжатлар орқали иш ҳақи фондининг тариф (кафолатланган) қисми оширилишига эришилди.

Мазкур йўналиш бўйича худудлар кесимида Навоий шаҳрида 39 та хўжалик юритувчи субъектлар томонидан 106 986,3 минг сўмлик, Хатирчи туманида 4 та хўжалик юритувчи субъект томонидан 22091,0 минг сўмлик, Конимех туманида 1 хўжалик юритувчи субъект томонидан 982,8 минг сўмлик ўз вақтида тўланмаганлиги иш ҳақларини ундириш юзасидан судларга даъво аризалар киритилиши орқали иш ҳақларининг тўланиши таъминланган.

Ҳисобот даврида давлат ҳокимияти ва бошқаруви органларининг иш берувчилари, раҳбарлари, олий ва ўрта маҳсус ўкув муассасалари битирувчиларининг ҳуқуқий маданиятини юксалтириш, ходимларнинг меҳнат ҳуқуқларини судгача бўлган даврда ҳимоя қилиш тизимини жорий этиш, call center (Колл-центр) тармоқлари, “Ишонч телефон”лари ҳамда ҳокимлик, идоралар, фуқаролик жамияти институтларининг виртуал қабулхоналарини кенгайтириш орқали меҳнат қонунчилигидаги ҳуқуқбузарликларнинг олдини олишга алоҳида эътибор қаратилди.

Ўзбекистон Республикаси Олий Мажлиси Сенатининг 2017 йил октябрдаги ялпи мажлисида “Ўзбекистон Республикаси қонун хужжатларига ва ҳалқаро меҳнат стандартларига мувофиқ фуқароларнинг кафолатланган меҳнат ҳуқуқларини таъминлашга доир чора-тадбирларни кучайтириш тўғрисида”ги қарор қабул қилинган. Сенат томонидан маъқулланган қарорга мувофиқ, Фуқароларнинг кафолатланган меҳнат ҳуқуқларини таъминлаш масалалари бўйича Парламент комиссияси ташкил этилган. Шунга мувофиқ Халқ депутатлари Навоий вилояти Кенгашининг қарори асосида “Фуқароларнинг кафолатланган меҳнат ҳуқуқларини таъминлаш масалалари бўйича худудий комиссия” тузилган. Мазкур худудий комиссиялар жойларда фуқароларнинг кафолатланган меҳнат ҳуқуқларини таъминлашга, шу жумладан мажбурий меҳнатдан фойдаланишнинг олдини олиш ва унга йўл қўймасликка доир кенг тушунтириш ишларини олиб боради. Бу борада жойлардаги муаммоларни ва камчиликларни ўрганади.

Давлат органлари, корхоналар, муассасалар ва ташкилотлар, шунингдек жисмоний шахслар томонидан фуқароларнинг кафолатланган меҳнат ҳуқуқларига риоя этилишини таъминлаш, шу жумладан мажбурий меҳнатдан фойдаланишнинг олдини олиш ва унга йўл қўймаслик учун таъсирчан назоратни

таъминлаш мақсадида парламент, депутатлик ҳамда жамоатчилик назоратининг барча шаклларидан фойдаланади. Агар қоидабузарликлар аниқланса, улар бўйича ахборотларни белгиланган тартибда таъсир чораларини қўллаш учун бандлик ва меҳнат муносабатларининг худудий органлари ва прокуратура органларига тақдим этади. Касаба уюшмалари ташкилотлари бирлашмаси ва меҳнат инспекциялари мутахассислари кўмагида ХМТ эксперталари иштирокида вилоятимизнинг барча туман ва шаҳарларида болалар меҳнати ва мажбурий меҳнатнинг олдини олиш масалалари бўйича давлат бошқаруви органлари ва нодавлат-нотижорат ташкилотларнинг мансабдор шахслари, фермерларнинг салоҳиятини ошириш бўйича 27 маротаба семинар-тренинглар ташкил этилди.

Худудий келишув ижроси доирасида меҳнатга ҳақ тўлаш, аҳолининг реал даромадлари ва турмуш даражасини ошириш масалалари борасида ҳам муҳим натижаларга эришилди. Хусусан, 2017 йилнинг январь-декабрь ойларида Ўзбекистон Республикасида номинал ҳисобланган ўртача ойлик иш ҳақини 2016 йил билан таққослаганда, 12,3 фоизга ўсишига эришилди. Ёлланма ходимлар даромадлари 12,8 фоизга ўсади.

2017 йилда Аҳоли бандлигини таъминлаш дастурига асосан 33 минг 233 та янги иш ўринлари яратилиб, уларнинг 4 минг 825 таси саноат, 3 минг 122 таси – хизмат кўрсатиш ва сервис, 1 минг 593 таси – қишлоқ хўжалиги, 1 минг 596 таси – ишламаётган корхоналар фаолиятини қайта тиклаш, давлат тассаруфидаги объектларни ижарага бериш ёки хусусийлаштириш ва 4 минг 539 таси якка тартибдаги тадбиркорлик ҳисобига тўғри келди. Шунингдек, дастурга асосан 7 минг 86 та хотин-қизлар ва 13 минг 709 та ёшлар ва касбхунар битирувчилари учун янги иш ўринлари яратилиб, улар иш билан таъминланди.

2017 йилда Жамоат ишлари фонди ташкил этилиб, улар маблағи ҳисобидан 2505 нафар вақтинча банд бўлмаган фуқаро ҳақ тўланадиган жамоат ишларига жалб этилди.

Шундан сўнг вилоят касаба уюшмалари ташкилотлари томонидан вакил худудий келишувнинг бажарилиши бўйича амалга оширилган ишлар ҳақида бирлашма Кенгashi раиси Н.Тоғаеванинг ҳисоботи тингланди.

Ҳисобот даври давомида касаба уюшма ташкилотлари томонидан 4276 та корхона ва ташкилотда 13 минг 436 та янги яратилган иш жойларининг ҳаққонийлиги ўрганилди.

Худудий келишув доирасида касаба уюшмалари ташкилотлари бирлашмаси ва ижтимоий шериклар томонидан меҳнат хавфсизлиги ва муҳофазаси масаласига ҳам алоҳида эътибор қаратилди. Хусусан, меҳнат муҳофазасини ҳамкорликнинг муҳим йўналишларидан бири эканлигини инобатга олган ҳолда асосий эътибор ишлаб чиқаришдаги жароҳатланиш ва касб касалликларининг олдини олиш, шунингдек, уларнинг келиб чиқиш

сабабларини бартараф этишнинг чоралари кўрилди. Касаба уюшмалари, давлат ва назорат органлари ҳамкорлигига меҳнат шароитлари ва муҳофазаси ҳолатларини мунтазам ўрганиш тизими амалиётга татбиқ этилди.

Иш жараёнида саломатлигини йўқотган, касб касаллигига чалинган ёхуд бокувчисини йўқотган ходимлар ва шахсларнинг хуқуқ ва манфаатларини муҳофаза қилиш борасида Касаба уюшмалари томонидан тизимли ишлар олиб борилди. Корхона, ташкилот ва муассасаларда касаба уюшмалари ва иш берувчилар ўртасида имзоланган Жамоа шартномалари орқали меҳнат муҳофазаси тадбирлари учун 22 млрд. сўм сарфланди.

Кам таъминланган оилалар, ёш болали оилалар, пенсионерлар, уруш ва меҳнат фахрийларига жамоа шартномалари ва келишувларининг ижтиёмий кафолат ва ижтиёмий ҳимоя қисмига биноан моддий қўллаб-куватлаш чоралари кўрилди.

Хусусан, Ўзбекистон Республикаси Президентининг 2016 йил 28 декабрдаги “Ногиронлар ва қарияларни қўллаб-куватлаш давлат тизимини такомиллаштириш борасидаги қўшимча чора-тадбирлари тўғрисида”ги Фармони ижросини таъминлаш мақсадида касаба уюшмалари томонидан 145 нафар меҳнат фахрийси ва қариялар учун республикамизнинг тарихий ва дикқатга сазовор масканлари бўйлаб туристик саёҳатлар ташкил этилди. 137 нафар ногирон ва ёлғиз кексаларнинг уй-жойлари таъмирлаш ва коммунал тўловлари қопланиб, уларга 38 млн сўм маблағ сарфланди. Турли байрамлар муносабати билан “Мурувват” уйида яшовчи инсонлар учун маънавий-маърифий тадбирлар ташкил этилиб, 2 млн 800 сўм микдорида миший-техника жиҳозлари, кийим-кечак ва гигиеник воситалари тақдим этилди. Шунингдек, касаба уюшмалари ва иш берувчилар ижтиёмий шериклигига Жамоа шартномаси ва келишувлари орқали 1 минг 915 нафар кекса авлод вакилларига 319 млн 145 минг 800 сўм моддий ёрдам кўрсатилди.

Вилоят касаба уюшмалари ташкилотлари бирлашмаси томонидан 2017 йил давомида ижтиёмий суғурта маблағлари ҳисобидан 965 та йўлланмалар тарқатилиб, уларга 944 млн 956 минг 600 сўм маблағ ажратилди ва касаба уюшмалари маблағлари ҳисобидан касаба уюшмаси аъзолик бадаллари ҳисобидан олинган санаторий ва дам олиш уйларига имтиёзли йўлланмаларни тармоқ касаба уюшма қўмиталари томонидан 969 та йўлланмалар (жами 951 млн 956 минг 600 сўм) тарқатилган бўлиб, шундан 373 дона жами суммаси 368 978,2 минг сўмлик ишчи ва хизматчиларига ва 596 дона 582 978,4 минг сўмлик йўлланма берилиб, ишчи ходимнинг оила аъзолари (ота, она, турмуш ўртоғи ҳамда фарзанди) соғломлаштирилди.

Ижтиёмий суғурта бюджети маблағлари ҳисобидан 2017 йил давомида ишловчи кам таъминланган, кўп болали оила аъзоларидан 18

нафарини, ишловчи Чернобиль АЭСидаги фалокатни бартараф этиш иштирокчиларидан 3 нафарини, ишловчи байналминалчи жангчилардан 14 нафарини, ишловчи меҳнат фахрийларидан 4 нафарини, ишловчи ногиронлардан 13 нафарини ҳамда Ўзбекистон Республикаси мустақиллигини мустаҳкамлашда ҳисса қўшган бошқа ишчи ходимлардан 15 нафарини, жами 67 нафар ишчи ходимлар касаба уюшмалари тизимидағи санаторийларда бепул соғломлаштирилди.

Ўзбекистон Республикаси Президенти Ш.Мирзиёевнинг 2017 йил 14 январь куни Вазирлар Маҳкамасининг йил якунларига бағишлиланган мажлисида берган топшириқлари ижросини таъминлаш мақсадида жорий йилнинг 26 январидан бошлаб, вилоят Хотин-қизлар қўмитаси, Маҳаллалар кенгаши, Ёшлар иттифоқи вилоят кенгаши, «Нуроний» жамғармаси, Касаба уюшмалари ташкилотлари бирлашмаси Кенгаши, Дин ишлари бўйича қўмитанинг вилоят вакиллиги, Маънавият тарғибот маркази, Савдо-саноат палатаси ҳудудий бошқармаси ва бошқа тегишли жамоат ташкилотларнинг вилоят ишчи гурӯҳи ўз фаолиятини бошлади. Натижада 303 та маҳалла 243 минг 293 та оила, 200 минг 732 та хонадонда бўлиб, 200 минг 732 тани хонадонларда уларнинг ижтимоий аҳволи ўрганилди. Бу кўрсаткич жами хонадонларга нисбатан 100 % ни ташкил этди.

Ўзбекистон Республикаси Президентининг 2017 йил 12 сентябрдаги “Аҳолининг кам таъминланган қатламларини кўллаб-кувватлашга оид қўшимча чора-тадбирлар тўғрисида”ги ПҚ-3268-сонли Қарори ижроси юзасидан 2017-2018 йилларда ижтимоий ночор оиласалар ва уларнинг муаммоларини ҳал этиш юзасидан вилоят ҳокимлигининг ишчи гурӯҳи тузилиб, мазкур ишчи гурӯҳи ва маҳалла фуқаролар йигинлари ходимлари билан биргалиқда уларнинг шароити ва муаммолари ўрганилди. Ўрганиш натижаларига кўра кам таъминланган, ижтимоий ҳимояга муҳтоҷ оиласалар рўйхати шакллантирилиб, Ўзбекистон Республикаси Вазирлар Маҳкамасига тақдим этилган. 2017 йилда 20 та оила уй-жой билан таъминлаш, 100 та хонадоннинг уй-жойларини таъмирлаш, 60 нафар беморларни даволаш, 1100 та майший техника жиҳозлари етказиб бериш, чекка ҳудудларга 330 та газ ва газ балон бериш учун маблағ ажратилиди ва ижроси таъминланди. Ушбу қарор асосида 342 та кам таъминланган оиласаларга Ўзбекистон Республикаси Вазирлар Маҳкамасининг 2017 йил 20 октябрдаги “Кам таъминланган оиласаларни бандлик билан таъминлаш учун тижорат банклари томонидан микрокредитлар ажратиш тартиби тўғрисидаги Низомни тасдиқлаш ҳақида”ги 857-сонли қарорига мувофиқ 1 млрд 227 млн 205 минг сўм 4 % кредитлар ажратилиб, уларнинг бандлиги таъминланиб, оиласалар даромади яхшиланди. 2017 йилнинг май ва апрель ойларида кам таъминланган ва муҳтоҷ оиласаларни кўллаб-кувватлаш мақсадида хайрия акциялари доирасида

касаба уюшмалари томонидан 152 нафар ўғил болаларнинг суннат тўйи, 43 нафар жуфтликнинг эса никоҳ тўйлари ўтказиб берилди.

Худудий келишув доирасида Касаба уюшмалари ва иш берувчилар ҳамкорлигига меҳнаткашлар ва уларнинг оила аъзолари учун маънавий-маърифий, маданий ва спорт тадбирлари ўтказилди, ходимлар ва уларнинг оила аъзолари маданий дам олдирилиб, туристик саёҳатлар соғломлаштириш билан қамраб олинди.

Болалар соғломлаштириш оромгоҳларини мавсумга тайёрлаш, ёзги соғломлаштириш мавсумини сифатли ва самарали ташкил этиш юзасидан вилоят Мувофиқлаштирувчи гурӯҳи раҳбарлигига 2017 йилда 37 та оромгоҳ фаолият юритиб, уларда 16 минг 287 нафар бола соғломлаштирилди.

"Мехрибонлик" уй"лари тарбияланувчиларидан 100 нафари "Шабода", 15 нафари "Дўстлик", 10 нафари "Нимкон" оромгоҳларида, шунингдек вилоятнинг Томди, Учқудук, Конимех, Нурота туманларида истиқомат қилувчи кам таъминланган оиласарининг 500 нафар фарзандлари Навоий кон металлургия комбинати тасарруфидаги оромгоҳларда 75 нафари "Ишонч" оромгоҳида бепул соғломлаштирилди.

Муҳтарам Юртбошимиз Шавкат Миромонович 2017 йил 30 июнда бўлиб ўтган «Камолот» ёшлар ижтимоий ҳаракатининг IV қурултойида мамлакатимиз ёшлари билан учрашганларида ҳар бир раҳбар зиммасига бугунги ёшларга давлат сиёсати даражасида қаралишини қайта-қайта таъкидлаган эдилар.

Бугунги кунда вилоят касаба уюшмалари ташкилотлари бирлашмасида ёшларнинг меҳнат ва ижтимоий-иқтисодий хуқуқларини ҳамда манфаатларини ҳимоя қилиш, уларни касаба уюшмалари фаолиятига кенг жалб этиш, ҳар томонлама қўллаб-куватлаш ва рағбатлантириш орқали ўз иқтидор ва истеъдодларини кенг намоён этишлари учун имкониятлар яратиб бериш борасидаги фаолиятларини йўналтириб ва мувофиқлаштириб бориш мақсадида Кенгаш раисининг Ёшлар масалалари бўйича маслаҳатчиси, яъни Ёшлар бирлашмаси ташкил этилган.

Ёшлар бирлашмаси томонидан "З декабрь – Халқаро ногиронлар куни" муносабати билан 2017 йилнинг 3 декабрь куни "Мурувват" ва "Саховат" интернат уйлари – ёшлар эътиборида акцияси доирасида Нурота туманидаги "Мурувват" эркаклар интернат уйидаги ногиронлиги бўлган шахслар холидан хабар олиш мақсадида тадбирлар ўтказилди.

Бундан ташқари, Ёшлар бирлашмаси томонидан Навоий давлат педагогика институтининг Чет тиллар факультетида таҳсил олиб келаётган Дилшода Султонованинг билимга чанқоқлиги, фанларни яхши ўзлаштириб келганлиги учун "Касаба уюшмалари стипендияси" билан тақдирланди. Шунингдек, Навоий давлат педагогика институтининг математика

факултетида таҳсил олиб, аъло баҳоларга ўқиб келаётган талаба Азиза Субҳонованинг соғлигини тиклаш мақсадида республика санаторийларига бепул йўлланма берилди.

Касаба уюшмалари ташкилотлари бирлашмаси Кенгаши томонидан долзарб муаммоларни туман, шаҳар ҳокимликлари, вилоят ташкилотлари ҳамда касаба уюшмалари фаоллари билан муҳокама қилиш орқали бартараф этиш мақсадида 2017 йилнинг ноябрь ойида барча шаҳар ва туманларда, вилоятда “Меҳнат соҳасида муҳим аҳамиятга молик масалалар” мавзусида жамоатчилик эшитувлари шаклидаги давра сұхбатлари уюштирилди. Уларда ўртага ташланган масалаларнинг асосий қисми мулоқотлар давомида жойида ҳал этилди. Қолганлари эса вазирликлар, идоралар ва нодавлат, нотижорат ташкилотлари вакиллари иштирокида ўтказилган республика давра сұхбатига тақдим этиш йўли билан ўз ечимини топди.

Кўшма йиғилиш якунида худудий келишувнинг 2017 йилдаги ижроси юзасидан амалга оширилган ишлар ва мавжуд камчиликлар ҳақида вилоят ҳокимининг биринчи ўринбосари У.Раззоқов ўз фикрларини баён этиб, худудий келишувнинг 2018 йилдаги ижросини таъминлаш борасида, ҳар бир ташкилот ва корхонада маъқулланган жамоат шартномаларида меҳнат низоларини кўриб чиқиш комиссиялари ишини қонунчиликда белгиланган тартибда ўтказиш, жамоа шартномалари шартларини бажарилишида жамоатчилик назоратини ўрнатиш зарурлигини алоҳида таъкидлаб ўтди.

Юқоридагилардан келиб чиқиб, Навоий вилоят ҳокимлиги, вилоят касаба уюшмалари ташкилотлари бирлашмаси, Ўзбекистон Савдо-саноат палатаси Навоий вилоят худудий бошқармаси

## ҚАРОР ҚИЛАДИ:

**1.** Навоий вилоят ҳокимлиги, вилоят касаба уюшмалари ташкилотлари бирлашмаси, Ўзбекистон Савдо-саноат палатаси Навоий вилоят худудий бошқармаси ўртасида ижтимоий-иктисодий масалаларга оид 2017–2019 йиллар учун Худудий келишувининг 2017 йилда бажарилиши бўйича Маълумотнома ахборот учун қабул қилинсин.

**2.** 2017 йил 22 декабрь куни Ўзбекистон Республикаси Президенти Ш.Мирзиёевнинг Ўзбекистон Республикаси Олий Мажлисига 2017 йилда амалга оширилган асосий ишлар якуни ва Ўзбекистон Республикасини 2018 йилда ижтимоий-иктисодий ривожлантиришнинг энг устувор йўналишларига бағишланган Мурожаатномасида белгиланган вазифалардан келиб чиқсан ҳолда Худудий келишув тадбирларини ушбу йўналишлар бўйича фаолиятни янада кучайтириш мақсадга мувофиқ деб топилсин.

**3. Вилоят ҳокимлиги, вилоят касаба уюшмалари ташкилотлари бирлашмаси Кенгаши, Савдо-саноат палатаси Навоий вилоят ҳудудий бошқармаси, вилоятдаги барча корхона, ташкилот ва муассасаларда 2018 йил давомида Ҳудудий келишув ижросини таъминлаш мақсадида қўйидаги масалаларга алоҳида эътибор қаратилиши белгилаб қўйилсин:**

ижтимоий шерикларнинг ўзаро ҳамкорлик шакл ва услубларини янада такомиллаштириш орқали ижтимоий шерикликнинг самарадорлигини ошириш;

аҳолини, айниқса ижтимоий ҳимояга мухтоҷ фуқароларнинг бандлигини таъминлашга қўмаклашиш, янги иш ўринлари яратилганлигининг ҳаққонийлигини таъминлашда фаол иштирок этиш, корхона, ташкилот, муассасаларда қулай ва хавфсиз меҳнат шароитлари яратилишига эришиш;

хусусий мулк ва хусусий тадбиркорликка кенг йўл очиб берилишига, аҳоли даромадлари таркибида тадбиркорлик натижасида олинаётган даромадлар улушини тобора ортиб боришига эришиш;

ёшлар, аёлларнинг ижтимоий мавқеини ошириш, имкониятларини кенгайтириш ишларида фаол иштирок этиш, амалдаги қонунларда улар учун белгиланган имтиёзлар берилиши устидан жамоатчилик назоратини кучайтириш;

“Фаол тадбиркорлик, инновацион ғоялар ва технологияларни қўллаб-куватлаш йили”да давлат дастурининг бажарилишида фаол иштирок этиш;

корхоналар фаолиятини қонун ҳужжатлари билан тартибга солиш бўйича таклифлар ишлаб чиқиш;

жамоа шартномалари ва келишувлари орқали сафарбарлик чақируви заҳирасида хизмат ўташга ҳақ тўлаш учун ёш ходимларга фоизсиз ссудалар беришга, ҳомиладорлик ва туғиши таътилларидағи аёлларнинг таътил кунларини узайтиришга эришиш;

тадбиркорлик субъектларида касаба уюшмаси ташкилотларини тузиш ва улардаги ишчи ходимларни жамоа-шартномавий муносабатлар билан тўлиқ қамраб олиш ишларини жадаллаштириш.

#### **4. Туман ва шаҳар ҳокимликларига:**

- Ҳудудий келишувдан келиб чиқадиган вазифаларнинг ишчи-хизматчиларнинг манфаатлариiga мос эканлигини ҳисобга олган ҳолда, ҳокимликларнинг барча бўлимлари ҳамда туман, шаҳар корхона-ташкилотларида уларнинг ижроси таъминланишини назоратга олиш;

- туман, шаҳар касаба уюшмалари кенгашлари ва Савдо-саноат палатасининг туман(шаҳар) Тадбиркорликка қўмаклашиш марказлари ҳамда туман, шаҳар Бандликка қўмаклашиш марказлари билан ҳамкорликни

кучайтириш, фуқароларнинг кафолатланган меҳнат хуқуқларини таъминлаш, иш ҳақидан қарздорлик, бандлик ва меҳнат муҳофазаси масалаларини кўриб чиқиш топширилсин.

**5. Вилоят Бандлик бош бошқармаси, тегишли ташкилот ва корхоналар, туман, шаҳар ҳокимликлари билан ҳамкорликда:**

- ишлаб чиқилган “Якка меҳнат низолари комиссиялари фаолиятини ташкил этиш юзасидан тавсиялар”ни корхона ва ташкилотларда кенг жорий қилиш бўйича ҳамкорликни кучайтириш;

- вилоятнинг барча туман, шаҳарларида яратилган янги иш ўринларини мониторингини ташкил этиб бориш ва ойлик ҳисботини тақдим этиб бориш, корхона ва ташкилотларда иш ҳақидан муддати ўтган қарздорликни олдини олиш чораларини кўриш;

- иш ҳақидан муддати ўтган қарздорликни бартараф этиш бўйича қонунчиликда белгиланган тартибда иш берувчилар, маҳаллий ижро этувчи ҳокимият ва прокуратура органларига тақдимномалар киритиш;

- ўтказиладиган бўш иш ўринлари ярмаркаларида касаба уюшмалари ташкилотларини иштирокини таъминланиши белгилансин.

**6. Вилоят касаба уюшмалари ташкилотлари бирлашмаси Кенгаши ва Республика тармоқ Кенгашларининг вилоят бўйича масъул ташкилотчиларига:**

- ходимларни ижтимоий, иқтисодий, хуқуқий манфаатларини ҳимоя қилиш, меҳнат муҳофазаси ва меҳнат хуқуқларини амалга оширилиши юзасидан жамоатчилик назоратини амалга ошириш;

- меҳнат ва меҳнатни муҳофaza қилиш бўйича қонун хужжатлари талабларига риоя қилиниши устидан назорат олиб бориш, жамоаларда меҳнат муносабатларига оид муаммоларни ўрганиш, уларнинг ҳал этилишида хуқуқий маслаҳатлар, амалий ёрдамлар кўрсатиш;

- байрам саналарида кам таъминланган, ёлғиз оиласлар ҳолидан хабар олиш ҳамда уларни корхоналар ва касаба уюшмалари ҳисобидан моддий рағбатлантириб бориш;

- корхона ва ташкилотларда ходимлар учун меҳнат шароитларини ўзгартириш, ходимларни ишдан озод этишда иш берувчиларнинг касаба уюшмалари кўмиталари билан келишишлари устидан назоратни кучайтириш;

- корхона ва ташкилотларда меҳнат шартномаларини тузиш пайтида ходимларнинг қонунлар ва бошқа норматив хужжатлар билан белгиланган меҳнат хуқуқлари ва кафолатлари таъминланганлигини таҳлилий ўрганиш ва тегишли тавсиялар бериш;

- Ўзбекистон Республикаси томонидан ратификация қилинган Халқаро меҳнат ташкилотининг конвенциялари қоидаларига риоя этилишини, хотин-

қизлар ва вояга етмаганлар учун маҳсус хавфсиз меҳнат шароитлари яратилишини ўрганиш юзасидан жамоатчилик назоратини ўрнатиш;

- бошлангич касаба уюшмалари ташкилотларида иш юритиш ва хужжатлашириш ишларини янада ривожлантириш бўйича амалий ёрдам кўрсатиш;

- корхона ва ташкилотларда ишчи-ходимларга иш ҳақининг ўз вақтида тўланиши бўйича жамоатчилик назоратини ўрнатиш;

- жойларда жамоат шартномаларининг тўлиқ ва сифатли бажарилишини назорат қилиш;

- “Фаол тадбиркорлик, инновацион ғоялар ва технологияларни қўллаб-куватлаш йили” Давлат дастурининг касаба уюшмалари ташкилотларига тегишли бандларидаги вазифалар ижросини таъминлаш;

- ҳамкорликда амалга оширилган ишларни оммавий ахборот воситаларида доимий ёритиб бориш вазифалари топширилсин.

7. Мазкур қўшма қарор ижросининг бажарилишини назорат қилиш Навоий вилоят ҳокимининг биринчи ўринbosари У.Раззоқов, вилоят касаба уюшмалари ташкилотлари бирлашмаси раиси Н.Тоғаева, Савдо-саноат палатаси Навоий вилоят ҳудудий бошқармаси бошлиғи Д.Шакаров зиммаларига юклатилсин.

**Навоий вилояти ҳокими**

К.Турсунов

Навоий ш.,  
2018 йил 1 май  
01-074103-сон

**Навоий вилоят касаба  
уюшмалари тишкilotлари  
бирлашмаси Кенгаши раиси**

Н.Тоғаева

Навоий ш.,  
2018 йил 23 апрель  
11-12.c-сон

**Савдо-саноат палатаси  
Навоий вилояти ҳудудий  
бошқармаси бошлиғи**

Д.Шакаров

Навоий ш.,  
2018 йил 23 апрель  
01/май -281-1-сон